

Primatus in Sacris ab Ecclesiâ Anglicanâ Regi tributus non pugnat cum Authoritate Ecclesiæ à Christo commissâ.

PONE igitur nimios fastus, titulosque superbos
Roma, haud ulterius toti dominaberis Orbi,
Pontificem jura non Ecclesiâ nostra supremum
Agnoscat, summumque Caput; dudum *Anglia* felix
Deposuit servile jugum, tristisque catenas;
Ex quo Papalis Bullæ succensus iniquis
Legibus, Angliaci decus inviolabile Sceptri
Asseruit tandem, & raptos *Henricus* honores.
Nil Clavis, *Petrine* Cathedra, aut Calceus auri
Nunc profunt, tripliciter insignia sacra Coronæ.
Anglia jam latere, sibi jam cepit honores
Rex tuus, ante suis rapuit quos *Roma* ministris,
Nec raptis contenta alios his addidit ipsa.

Sic olim gentem Hebræam, populosque regebat
Numinis auspiciis Princeps *Jesseus*, illum
Agnorunt Sacra, agnorunt Civilia jura.

Sunt tamen, in sacris rebus quæ displicet ista
Pontifici abrepta, & Regi concessa potestas,
Testanturque sacros, divina Volumina, libros,
Presbyteros solos penes esse, Sacerdotisque
Primatum in sacris, atque omnia Religionem
Quæ spectant jura, hæc esse haud congrua Regi.
Nimirum cum primævi incunabula Cætus
Florerent, nullos habuit tum Ecclesiâ Reges,
Quæis infans potuit Christi committere regnum;
Solut Apostolicus sacris interfuit Ordo,
Cui Deus Omnipotens pleno latice imbuit haustum
Æthereum, largâque indulgit munera dextrâ.
Non tamen idcirco Reges exclusit ab isto
Primatu, sæclis ævo labente futuris;
Cum sese tandem lux hæc divini omnes
Funderet in terras, cæcisque hinc indè tenebras
Pelleret, & Reges vinculis constringeret istdem.

Sunt contra, exuto quæis omni munere Clero
Aridet soli commissâ potentia Regi.
In diversa utrosque trahit contrarius error
Dissimili zelo affectos, extrema sequendo.
Finitum est jus omne, & certo limite constat,
Intra quem debet se Rex Clerusque tenere.
Hic divinarum tractet mysteria rerum,
Thura Deo ponat, cumulêque altaria donis,
Consulat & sacris, & quas Ecclesiâ possit,
Ritè roget leges, Rex fanciat ipse rogatas,
Judicii pensans trutinâ, atque examine justo.

Sic benè conveniunt Ecclesiâ, Rêxque sacrorum
Hic Caput, hæc tenet interea sibi debita jura.

Christus est verè Deus.

HÆC igitur merces aternæ digna salutis?
Hic meriti tam grandis honos? sic nosmet iniqui
Mirandum & nulli auditum pensamus amorem?
Nec sat erat Christo vitam deponere, quo nos
Morte suâ ad vitam assereret? quæ que numen oportet
Deponat, numen? neque te pudet, impia turba,
Ad terras humiles illum detrudere, per quem
Ipsa olim speras alto succedere cælo?
O semper nimia infelix ratione, profanis
Inconcessa oculis dum vis mysteria Divum
Perspicere, angustæque brevi comprehendere mentis
Limite, quod fines omnes excedit, & implet
Terramq; immensumq; polum Pontumq; profundum!
Quod si mortalis mortali sanguine natus
Est Christus; nempe occidimus: spes perdita, cuncti
Delusi, tot casta Dei promissa, fidisque
Ex imis penitus tota eruta fundamentis.
Regna tenet mors tristis adhuc, latissima regna,
Atque omnes homines immani expectat hiatu.
Peccatumne etenim fonti quod pondere terræ
Tam vasto super incubuit per plurima sæcla,
Peccatumne unus tam longe arcere valebat
Unus homo imbellis? potuitque is pandere nobis,
Qui sibi non potuit sua propter crimina, cælum?
Ætherium certe ille genus, summique propago
Vera Jovis, cui fas tantis se accingere capris,
Quem tantum poscebat onus, Deus ille, Deumque
Confessa est natura parens, confessa tot illa
Miracula humanas longè superantia vires
Et non mortalem testantia, scilicet ipsæ
Quem maris agnoverunt undæ, cui paruit Auster;
Posse videre dedit qui cæcis, currere claudis,
Vivere defunctis; quem limina dira tremendi
Irrumpentem Erebi noctisque informia regna,
Viderunt Manes, viderunt lumina torva
Eumenidum, attonitisque animis stupuere triumphos
Ducentem: genus hunc Hominum, quorum omnia causâ
Edidit hæc, non agnoscet? mitisque carebit
Et bonus, atque humilis, quos extorquere valebat
Magnusq; & metuendus, & haud tolerandus honores?
Hactenus ah! vestrum obliti, jam discite parvam
Nosse animi humani vim, discite cuncta potentem
Ritè Patrem venerari, & Natum haud Patre minorem.